

南江文鈔

南江文鈔卷第三

餘姚·邵晉涵 與桐

太上皇帝紀元週甲授受禮成恭紀

頌十二章  
謹序代作

臣謹案唐虞書帝典舊合爲一篇欽德周洽道協溫恭  
正月上日之典懋焉爾雅曰典經也尊之爲典垂之爲  
經傳心授受精一同符故二典之書同條其貫唐宋以  
還尠克儷斯盛軌欽惟

太上皇帝行健日強之德克肖於

天

嘉貺式昭懋膺多祐粵在乾隆初元丙辰紀載劭承

祖烈祗厘

謙懷迺升香肅禱預定傳位之期昭格於

上蒼豫顯厥兆

景命融延總上理於六十年孜孜如一日

初願式諧

聖衷益甚遂於乙卯九月撰吉

宣示定儲飭所司具傳位儀注以進

詔可歲名迭吉重啟丙辰萬祥咸彙之期

頒詔傳政

太上皇帝

親授冊寶於

皇帝嘉慶書元

恩膏匝洽盛典鴻儀翼翼皇皇卓越千古

臣惟迎日推

策之法倣起軒轅大撓作甲子而十幹十二枝之名以  
彰分章紀部以六十年爲元周而復起釋幹枝之義者  
司馬遷班固許慎劉熙諸人厥指相通丙者炳也有明  
著之觀辰者震也有振興之象往牒謂堯元枝在辰舜  
元幹在丙乾苞坤符扶輿鬱積有若待而宣然孰若幹  
枝之吉良周浹彌綸循環相應

授

受一家

作

述同元斯豈唐虞所克擬其盛哉臣又稽舜典徽典納  
揆詢事考言以次臚敘孔穎達謂治洽於人德應於天  
久而徵驗用致成功我

太上皇帝睿謨闕遠癸巳

親祀

園壇卽以定儲奏名

上帝旋幸

盛京展謁

橋山敦誠致告爲天下

得人之慶惟

天惟

祖宗實式臨之

毓德引慶

申錫延禧不待賓四門理大錄之登庸迭試也且堯舜  
舜之訓詞二典闕書惟載於論語

太上皇帝以

躬爲教每歲

親舉大祀禋肇靈長虔奉

顯謨以守兼創彰闡

文教

制作大備大武

十全廓闡疆宇以及

用人

行政之宜

勤政

惠民之實靡不權衡至當悠久

化成爲

一人

燕翼之謨卽爲萬世常行之典煌乎燁哉斯其亘古特  
隆之嘉會哉臣又按春秋法五始之要與尚書相表裏  
始載書元實取乾元體仁之義惟仁覆天下錫福兆民  
者迎日如重輪之周推策如元會之積

太上皇帝康強逢吉純常堅固之體偕化日而舒長

歸政

訓政

指示機宜錫羨承庥靡有涯矣

皇帝仁孝性成本

元爲元奉



治爲治推

恩爲恩特科蠲賦

醴澤預周九府之司寶文並鑄而元日

恩詔悉列

傳位詔之後集千叟之班祝

億齡之壽

孝治延洪斯又天下臣民軒夔忭舞於莫能自己者矣

臣侍直

內廷欣邁

茂典謹獻頌十二章以廣歌上日上儀復且重華之盛

其詞曰

昊天景命

聖皇承之惟

聖作則

繼序寧之爰溯貞符伊耆叶紀靈璿依衡周環復始休  
徵斯兆著丙丁辰萬億爲秭八千爲春默籲

聖衷攸行繩

武六丙積旬紀年遜

祖至誠僉應

天聽式從

垂裕萬年

授以謙冲

一章

昭假惟

天昭事惟

聖持久以恒抒誠以敬

圖壇

方澤歲事

躬親夏雩春穀茂致

精禋田步升成執徐定議禮以從時忱惟自致昭陽緘

奏肇啟

昌符

聖心攸注

天意攸俞麗旭祥颺誠和孚格

垂裕萬年

授以寅恪

二章

萬壽炳炳

寶訓洋洋歲周盟誦儼見

羹牆禮洽居歆

時享歲

裕優見愷聞爐烟芬苾緬懷

締造

四謁豐岐定儲密告

前澤用貽貽澤孔長俾臻戩戩穀騎射衣冠惇持舊俗  
行園秋獮肅奉

威稜

垂裕萬年

授以克承

三章

疊疊秩秩之紀之綱實明

泄洽秉燭

俟章燾覆惟公衡懸至正溫及春施肅諧秋令岳牧時

覲樞臣日宣課先報最引逮初銓民隱

周知八荒在闕庶獄庶言審諦允察久照得

天順時爲柄

垂裕萬年

授以勤政

四章

奎垣耀紫蘭簡縈青輝煌

聖製義炳六經冊府崑函羣言會極四部璘璘

七閣翼翼儀昭通禮譜訂全詩虹披石鼓雲濫璧池翊

善承

恩經帷

論導

宸章

賜賡祕文

命校

敷言廸哲作

師作

君

垂裕萬年

授以右文

五章

十捷功全丕宣

聖武大金小金準部回部鯨靖東寧楚呈南徽伊廓爾  
喀敏關奉表里闢二萬畫畝安屯雪山之北渤海之濱  
滴博蓬婆日開耕牧燕麥先登雞樅並熟空桐西蟠扶  
桑東煦

垂裕萬年

授以寧宇

六章

展義省方

六巡功懋嶽聳淵濶歡騰合宙瀾安河涉

澤潤淮江隨行

視膳



觀化南邦政在養民應

天以實正賦

五蠲漕糧

四錫偏隅小診

優賚孔殷

普除倚閣俗阜時薰歲積

優租澗谿正載

垂裕萬年

授以孚惠

七章

端蒙九月良辰宣

詔繼體正儲紀年定號廼

召太史廼飭宗伯恪定儀章典諧元日廼

率王公廼逮耆考請延厥期俟期頤

壽

申命曰吁

天聽惟聰聿先定志敦勉敬從孟冬

頒朔曦融雲燦

垂裕萬年

授以時憲

八章

禮行

昭告

東

西珠阜格

祖

鑒元戩被單厚

謙却尊號崇實

隆名結虹勒篆瑄耀珪瑩園法寶文泉府並鑄酌定丹

鉛源滌川注

恩言錫

壽陽月春宣星輝

毓慶拜集班聯式燕

嘉平吉牂奉饌

垂裕萬年

授以福胙

九章

乾符坤瑞柔兆之春  
絳禎輯美履端元辰

傳心

傳子

大園溥燾

勳

華一家辰融丙照碧珪如月  
赤珪如日輝耿重幹瞻雪

現需表文載奏樂協中和共球並集拜舞

鑾坡

慈訓式昭

孝德克紹

垂裕萬年

授以大寶

十章

湛恩履洪

稟承

勅旨

賚溥宗皮

惠先多士

錫爵

錫類

誥集丹鸞農懷挾纊粟帛均

頒川嶽懷柔羣祀攸秩廉正駢閭瑞人接迹雞竿肆赦

鳴應祥烏蜎行蠕動茂豫

亨衢彩鳳銜書萬邦咸喜

垂裕萬年

授以繁祉 十一章

角亢麗彩

第祿爾康升恒方至

壽佛無量大政

親裁令儀備舉是

訓是

行重規合矩月正四日廻集耆英輝生鳩杖春溢湘醴  
方瞳綠鬢佞羨趨踰虔瞻

子帝上

億齡觴

五福

四得

天心孚祐

垂裕萬年

授以仁壽

十二章



五臺瑞應讚

謹序  
代作

臣聞福基積厚敷靈阜於五華德梵延和協沖音於九  
敘調豫應平程之令蟠輿爲成肇之區湛陲樹以春榮  
煦者山而曙煥銀沙碧水並融善采於

昌期寶日蓮雲宜燼仁暉於

壽宇五臺山者文殊佛應瑞之地也粵自輝生面月智  
蘊心珠諦徵三修功超十力會法源之東注知象教之  
南諧中天則啟兆於周原化人則徵形於鄭圃雲翔法  
像非徒感影寒溪芝煥純龕寧止畱跡炎海躋鼇維而  
鑿遠列獅座而居中移四柱於琉璃樓勝三重之寶壑林

開歡喜一千琪樹之華界設莊嚴五百金仙之蹟化城  
孔邇旋教靈鷲飛來淨域攸芋遂使墨鸞栖止柏翳微  
名于秦戲華嚴始紀夫清涼慈蔭所垂防於此矣然而  
徑分雲邈谿轉林遙懸瀑垂天飛雲結夏訪道元之註  
疇辨村居繹釋憚之誓祇傳石跡大孚湧塔欲招開士  
同歸古道停驂唯許長年獨覲鴿飛餘怖臨澄沼而空  
迴蟒偃參疑望慧橋而不度地分遼宋互祕金甬代易  
元明虛陳白甕問丹源以莫泝望紫府以難窺是則鶴  
樹珠林顛埃陽春之澤象儀鳳翥待宣至瑞之符信順  
既彰嘉祥斯集我

皇上化成悠久慶洽延洪金衡徵上理之昭玉燭見道光之著每省方而設教因

展義以勤民東泰中嵩被湛滋于慈露

籌河

觀海涵普濟于寧瀾三登之兆屢豐十善之功伊濯山連恒岳青疇襟繞郊圻臺應參差紫耀環連樞極屢邀睿顧歡奉

宸遊蒼崖騰丹旭之輝翠壁粲彤霞之色近溯重光紀歲賡夏諺于三春逮茲柔兆占年叶

虞巡于五載炳文居丙俾午位而昌揚宣德爲山啟西

險而秀郁嶽雲望

幸佛曜承

光爰命禮官涓吉日陳

星罕駕

鑾輿萼雨濡塵鬢烟縈樹燕郊展繡雉飛麥隴之青晉  
水生漪蘋漾玉流之碧墜巒重巘異桐板之三成本蕊  
葉邁現玉芙之五朶挺重臺于丹頂列四衛于青芻巨  
鋪則應以鯨鏗方石則瑩于珪拭岫融珂屑春被千巖  
路接銀鋪歡迎

萬乘

天子廼臨福苑啟香林妙勝晶瑩摩尼瞻對寫龍瓶之  
蘊揚金扇之和吉雲則色頰恒躔慧日則氤開震旦  
奎章朗璧燦道樹以千光

寶畫垂珠炳法華以五彩契圓常於仁智抒活潑於鳶  
魚超七覺而通源靖八功而證密瓊岡峻極瞻

天誥之巍裁金沼通波洽

聖謦而洋溢于是頌裕民之

溫綽昭柔遠之

闕規給復蠲租歸琛錫貢五雀六燕倍饒銖黍于倉箱  
東鰈西鷓並效梯航于玉帛

恩言靡已黔黎忭奉慈輪

化被無垠黃教誠歸宗乘歌傳衢壤渥被闕堦維時介  
祉懋臻禔嘉迭至泉湧天池之醴露團華苑之膏漢松  
則光放於澄濤唐礎則紋成于朗鑑芬呈三秀毓妙葉  
以葳蕤端肇四平護法根而鬱茂風笙雨笛奏法樂於  
頻伽巖翠岑苔彙苾香於薝蔔耿五衢之星曜鳴八解  
之春流雲裳與翠羽相依月采偕天花並絢銅字記千  
年之鹿石韋高九節之萑裒祓祿而來崇貺珍奇而悉  
覩在昔蓮河寫潤羅衛延薰翔瑞雀于祗林馴香鳥於  
雲圃馥生組鉢麗彩見之干枝輝照金輪湛普光之三

昧今茲相較見所未會是惟

至德昭融眞符契合茂四時以育物斂五福以宜民疊  
加溥洽之仁悉應廣輪之願法身圓對幸從

黼座以瞻依甘澤長調欣奉

鸞旂以布護雙因遞演牟珠照耀而相聯萬善覃敷  
曼壽綿長而無量懿歟禕哉

大聖人所爲體順而凝禧者乎

臣述職近疆覲

光

行殿春盈福界協阜俗以恬熙瑞繞靈山闡

德音而軒舞竊以道敦開濟經傳十慧之章釐衍吉祥

錄著雙桐之讚因荃立義用闡繹于真風述事抒辭卽  
賡颺夫

盛治表山形於五緯肇元由北岱之貞歌天保之九如  
比雅上

南山之頌謹拜手稽首而獻讚曰

至人翊世挺起天中紫庭履靜顯域含冲藉芳儁哲愜  
好淳麗華薰却五調御無雙智流溪闢慧炬瞳朧如如  
靈感亶亶誠通曜澄三達端肇五宗翼神扶幹扇惠披  
風廓沙有願登岸疇從駕螭發夕引鶴徂東四觀堪息  
三止猶矇浩心甄導淵念陶鎔林長雪擁山負雲封慮



虎古壤臺表芳踪

其一

東臺巖從星隨東指大茂綿聯重泉邈迤靈蹟開先精  
廬肇始闔孕心香窗霏意藁惠艸如蘿法霞似綺摩勒  
畱春芻尼送喜簷鐸諧宮塔鈴應徵勝鬘締初陀羅託  
止妙果從因歸涯協理五定克寧七支不起扶木蟠華  
綏岡啟薦爽靄縈迴黛屏互峙殿古松森堂深樅美樾  
轉紆青條凝休紫

其二

維南有臺前臨澗谷堂影對開谿聲相屬基抱華園芳  
標勝木種憶漢栽垣餘魏築古幹蟠雲菲花散馥二頃  
拖藍四時結綠彩發離披姿畱芳淑材辨娑欂根從天

竺迦葉開屯摩騰占復禮重菩提靈高滬濱十地登禪  
一塵超俗時見光明而無拳曲銀海輝澄金陀像肅相

彼轉輪貫茲台幅

其三

臺峙于西靈泉自注太華中滌沃流近瘁旨挹醍醐潤  
逾法乳妙法延燈宗傳裒露鸚拂滄波蓮承甘澍智海  
難淆慈航得渡挹此雁泉通於蘭圃一滴尋源千重卷  
霧佛曜重輝仙華四布息彼泥犁葆以貞懔解脫開蹤  
僧明接路窳堵長懸招提孔固定力攸持奇芬尚聚竦  
石參雲擎盤引素

其四

直北之臺凌虛結岫石柱通淵金都啟宙浮案臨前圃

蒲列右七寶交枝五根擢秀法果香滋意歲春茂導厥  
旃延開其區晉紺馬歸林珉鱗穿雷翠鉢蜚英田衣簇  
繡雲母旁敷水晶中透後魏飯依前車輻輳龍朔營新  
會昌坊舊人跡初經驂蹄如蹂誰謂光儀得諸邂逅愛  
此石華珍于玉琇

其五

中臺屹立實惟靈區優被霑沛道液充腴寶瓶高引金  
牒平舒人天演法龍象呈圖圓浮五蓋彩暈三銖香雲  
淡卷花雨芬敷晨鐘欲省春枿重蘇飛宮靚月緣澗求  
珠蒼虬蟠鬱金翅搏扶馬鳴荃教鵠集鳧趨韻餘歌頌  
祥感光趺音聞妙喜像覲歡愉翹披春應誠叶山呼芳

氤淑靄恭迓

鸞輿

其六

惟

皇建極法健陳常和調四大順叶三光

文思廣洽

雅治輝煌帙裊縑素錄溢巾箱羣言衷

聖萬壑歸潢

鴻謦充被

偉略昭揚雪山列牧月竊來王達于扈特如近康莊得天久照應地無疆慈暉躔運慶彩霞翔鮮颺晨裊霏露

宵灑典修

春豫善與

仁滂汾襟陘拱嶺聳川驥祝

釐之所選佛之場

其七

爰望

龍旌迺陳羽翹風翼青疇日臨黃道福舍含溫梵宮闕  
奧會磴花鮮遠峯玉耀禮重法王基存唐廟作太平基  
爲蒼生禱衆並熙春民胥戴燾猶厪

春懷彌殷勤勞

至治闕昭祥輝普照澗奏簫竽籟垂管葭瑤幹雲拖仙

葩旭耀

盛德宣仁大慈設教濟筏扶輪春華冬燠

闡澤有加

恩承

鳳詔其八

崇臺五峙林啟華梅衆香所集上乘斯宣紫金表淨  
鑰石分妍儀分神蓋心印須山至和常萃大素遐觀瓊音  
遞演玉範猶傳意餘頌味道蘊微言得遭

上聖始契真詮初伸妙願遠締芳緣常誠不息廣濟無  
邊世臻

仁壽日肇舒延昔所願者今始覩焉

天庥稠疊

福祉長綿慧光純洽億萬斯年

其九

興州石鼓詩

布字代作

臣觀周室石鼓相傳爲文王成王宣王時作未有定論  
要爲有周盛時法器後遂存太學門臣舊爲祭酒檢其  
文心甚希之伏惟

皇上聖德神功鴻圖盛烈遠超千古秋山行獵因時習  
武

天威所被遠漠歸誠

特命于興州建學四十四年五月

文廟成行

釋奠禮典至肅焉澤至優焉臣敬緝唐人廟堂缺碑去



其重文集頌一十二章幸奉

聖暮式觀

盛典不敢忘禮臣贊宣詠舞之職云

皇帝御宇六合咸春欽宣

舜哲丕煥

堯文漢庭允洽薄海安淳詩陳孔有典闡作人臣司三

禮拜首揚言

仁業垂基仰惟

聖祖雅治光華鴻威神武義倫禹跡克勤居所陽名在

子

行闡肇始法憲斯遺績茲德昨

永懷

繼序篤纂

前謀

恩堂紀額稟體

徽猷爲乘時令臨厥興州會關形壯滎河氣浮撰車羽  
獵爰及高秋

白藏應候

華畢照山風競隼疾露皎珠懸雕戈裂石玉括披烟獸  
馳翦衛鳥下驚絃直橫旁縱壹發兩連

野色凝宵曠暉涌水漸隱露城將流霞綺七校傳金四  
黃遵軌餘藝貫楊軼情載雉偃熒息炎涓行波委

鼎資既備俎實惟良方

祀致孝樽酒旨芳對越如鑿絜事攸洋迺辨宗爵乃列  
庸隍攝提分度律驗元商

景運日開遠無不服於錄戰圖

蒼靈懿篤益地測圭遙屯受牧土爾特等歸誠率育九  
達街塗化修整淑

屬國來王霞被雲寮西環北栲東竹南苞騫蹲踵至綈  
膳均超爻占恒久象繫泰交願隨

翠罕同聽簫韶

潤區樂利拱護上京設學立

廟揆趾占星麟樂丹牖松栢朱甍中唐卷素接棟縈青  
壁猶絲響鐘亦鯨鏗

徒維五月奏成新校

敬釋縈蘋褒述儒教

錫之書籍經總其要尸濟檐櫻科廣選造太緯平階夏  
槐表道

至尊建極義兼

君師幾暇

睿藻鳳儀龍姿恭承

寶訓勒鐫于碑銘叅峻嶽篆資壁池函和鳴

盛怵舞

亨期

天暍

大清崇規式闢

壽域充怡列庸顯赫千萬斯年長霑厚澤茂著樂章偉

倚史冊

秀先

矢音職思靡斃

聖駕巡幸山東恭紀

秘石鼓詩十章  
謹序代作

臣某言

臣惟自古帝王融景輝揚頰烈胥聞鏤牒著貞

光陞休銘惟周京石鼓義純詞禕孳名淵古體重而質  
堅用克絲馨逮遠然自鳳翔而汴而大都載移蓋覆幾  
闕而復完重以臆摛虛揣益滋淆論第知爲法物遐傳  
摩挲愛護恭遇

聖朝典學

稽古

詔建辟雍

式昭二千餘年之規制而石鼓燼列於水旋圜壁間潤

發其光彩伏讀

御撰序定爲宣王時作取證於小雅車攻吉日之詩覈實徵信

至論昭宣於是董道程大昌鄭樵馬定國陸友仁諸說皮傳前蹤影疑後造舉莫克伸其喙至法物之當置國學

特取韓愈之言爲正切摩講習迴勝鴻都惟是石文漫漶存未及半虹結瓊披之體籀史芳規倍宜珍愛

御製集字詩十章裁雲錦於瑤闈貫珠斗於碧漢述古傳今爛然粲備舊文重器庥樾增基礮石新摩台體爲

珥一置國子監一置承德府學成均育賢之地

柔遠詰武之區並得炳

鴻謦瞻

寶製顯瓌珍於曩哲迪文教於來茲懿歎斯

大聖人之崇規上儀所謂燭耀前古而焯垂奕禩哉

臣

竊由石鼓之文之義而繹之敷陳臚敘茂實豐條本於  
昭戎功矢文德歌遊豫而重獮狩體符雅正而兼取乎  
頌以形容茲事體大固非純懿昌亨曷由徵盛欽惟我  
皇上行健合符大中建極虔恭寅畏奉若

天庥紹承



祖烈宣義播仁

武成九告肇自蒲昌鹽澤遶天山以達流沙星竊月嶧  
布牧列屯亥步隸籌疆闢三萬引渠滋晦業業救寧泥  
浸烏圍負嶠嬰固師行枕席菁拉礪平安戍莫居屹成  
鎮衛以及靖臨清之奸宄殲蘭州之逆獮盪臺灣之海  
孽凱旋樂奏飲至禮行凡茲

豐功偉績悉稟承

睿算用詰戎經星日之

指麾風霆之振肅俱由不得已而張揚六師靖嘉邦國  
有非常武之震徐方江漢之敦淮浦所得而比其允塞

也

天章炳燦宣宇宙以文明

御製詩文集協五緯於篇章函三才於論著周融

寶思翊

訓爲經禮樂孔昭圖書大備甄錄編理歲浹旬以程期  
統閱古今集成義府釐爲四庫貯以

七閣編目則尚簡明提要則聯綜輯牙籤錦贖備

乙夜之觀

申命詳校樹義精森而震且諸經並設館譯音以彰車  
書之

盛軌又非若蒸民之詩穆如之誦僅見於臣工之歸美也

省方盛典

展義勤民江介吳山六迎

翠輦河壩海涵隄岸設防備蒙

指示鞏固延長拼萬姓以寧芋西臺中嵩環拱畿甸天

津田盤列於

苑囿龐眉黔黻之民咸望

屬車而臚歡抒其愛戴

省耕補助慶奉

宸遊

蠲復正供倉箱藏富普

恩膏而詩豐美又不僅東都之蒐聚圃田之博大僅行於成周境內也至於每歲

秋獮順時肄武神臯沃壤實惟木蘭翊氏攻其禺屬羽人獻其革毛相八風而設旗狃狃乎若軒轅之設營衛焉衣冠騎射凜

寶訓而守舊章用以啟萬年之基緒也維時名王入覲納贄獻琛

嘉子依

光優其

錫賚

愴威所及遠被於土爾扈特向化輸誠久列藩服又豈徒會同之繹漆沮之從哉夫苞融符啟儲祉蒸祥闡繹承猷函光通化窵古以還亦各稽則而承翼迪耀繹輝迺克觀千載一時之

昌運而制作之殊卓亦迥超乎前古且石之質貞而堅也鼓之聲大而遠也鼓肖其形而不尚夫聲石被其文而仍昭其質璘斑輪囷宋臣蘇軾作歌稱爲最壽因舊創新洵克儀光華於

壽宇適當庚章成茂萬祥彙合之

亨期仲春今日舉

東巡之禮秩修

望祀登禮名山遂

釋菜於

聖廟林泉堂祀之次豐碑林立峨峨秩秩麟麟如也

隆儀旣備爰發

德音行

慶惠

斂福斯兆民軒輦歡謳自齊魯而四達臣職在採風飭

聞巷祝衢謠叶和平之節奏恁效駢聯俾綴文以展采  
謹擬石鼓詩恢廓其詞釐爲十章竊附於金石和聲以  
廣颺我

熙朝洽裕悠長之慶臣某誠歡誠忻拜手稽首而獻詩

曰

昊天有嘉命

聖皇承之維

聖作則

天庥其凝之融融縣縣

鑒眷有德克肖

德元昭茲嚴翼寅哉頤若孚久以恒時暘潤雨

帝念八徵徵則悠矣

蕃祉是邁矣祥風從翱矣和氣與游矣四和通正福自  
天申陽春布澤八千爲春

右第一章章二十句

春德揚詡枕被六宇濛汜崆峒若依闕廡雪山之麓瀚  
海之濱平疇億頃萃以耕屯駢冉橫梁桃關倚壁鳥道  
通雲凍銷稷雪曦光峻朗登曜搏桑東寧海鏡瞻矚梯  
航奉茲

德威成茲



大武慕

化近

光達於北戶

右第二章章二十句

雅治崇儒瑞開東壁

延閣廣儲蘭編芸笈藝圃舒條文林列采

皇極敷言導茲學海有濔其淵有濔其源津遠溯澗匯  
以澄漣

嘉惠南邦貯分副墨江別爲三會歸四瀆

申命詳定諄誨

石渠程惟旬載優以三餘貝葉之文審音新譯  
化洽同文珠函有秩

右第三章章二十四句

秋而壅田

丕承

前烈言績

武功

孝思維則塞垣澄霽爰展

行圍山崇原博雲駁霜開孔樂韓原舊稱北土淺縹虢  
貓鞞皮毳虎屨麋屨短脣麋毛獾有麋有麋鹿人之從

下注之金 卷二  
騏游纓顧籜瓜踰蹠鵠鳴宿葦雁出葦間鷓鴣鷓鴣亦  
厲其羽載窳載奔伊搏伊取名駟流電疊雙應弦獻於  
御幄有喜

天顏

右第四章章二十八句

平疆東城典懋

虞巡

六飛莅止善俗宜民江岫烟青越波鏡曉

澤溥東南八蠶再稻

觀河淮濟

籌海瀛壖湛綈捷石隄羣瀾安翠壁丹陵

鸞章朗燭

謬訓孔彰翕猷

斂福恒麓五峙嵩岫三呼裒藍蟠秀瑞協

昌蜀

右第五章章二十句

名山望

幸岱列於東海濤齊藪九府是供沛水會通演源汶泗  
引漕成渠春流瀾灑鱣迴莢柳鯊鮪青蘋鯛鮓鮓鮓小  
大別羣嶽潛於淵繩依其藻點沫躍波如遊

文沼泉鸞谷聳頰首

翠華榮光引采五色昇霞

右第六章章二十句

春茂靈巖雲迎

仙仗匝匝方山雨花承掌

誠謹秩祀

錫羨宗仁

體元題識善長義伸麗旭惠颺

鑾輿登岱日觀封臺環披瑞靄華蓮衡蓋淮色江容滙

昭

宸鑒氣合沖融近觀環巒合雲亭榭

塵念爲霖

恩周庶彙

右第七章章二十句

源浹泉林道融川上合派同歸新池古泮典昭

釋菜綱吉維虔夙

頌馨洗呈光

几筵

聖德攸符敷揚

至教

御論闡經經言式導通禮成編器圖著錄譜

訂全詩律

調古樂樂備禮明範模斯在

宣聖立制孚貽

昭代

同樸

合節響協金絲翊良牖世

君作之

師

右第八章章二十四句

春奉

溫綸歡聲四洽奎婁之野坪邊煥色經過

輦路

錫復優租三登屢兆百室增儲扶杖華顛

惠頒菽帛曝戀南榮舒長化日守臣載采

嘉子晉資

慈雲廣覆錄及矜疑野列雲屯川郵水遞粲白穎丹

恩波同壑材成翹秀

行殿掄英

詔登寒峻樂育膠鬲維

南江文鈔

卷三



滂澤之施兮普

春膏以茂滋兮洵鬯渥而周彌兮際仁壽之

昌時兮

右第九章章二十八句

昌時穀穀

昊蒼申佑之逢吉丁辰嘉祥其懋之

天行

法健

敬德日強

慶流芳胤

五世一堂

壽世壽民耆齡承祉坊列瑞人

昇以溫紆風行仁睦累世同居

時雍惇敘含哺樂胥庶矣多男三壘五息攜及來孫飲  
和食德嘉禾雙穗瑞雨同功河澄海晏物茂時豐集慶

備嘉自

天攸賚

鳳紀增綿延洪億載

右第十章章二十八句

皇上八旬萬壽恭紀

樂府九章  
謹序代作

歲懋上章日月會壽星之次恭屆

皇上八旬萬壽昌辰魏社絳嘉栳被純和於六宇薄海  
丙外臚豫變驩粵若初

恩言肇宣

詔開甲乙科

咨于司農令天下毋納粟穗秸一歲廼月正元日  
天子誕敷

文命普

錫福於四方慶霽南翔

恩綸達於瀕海維時瀕南之會治寮案郡邑羣有司百  
執事里居耆成人以暨邊陲世吏微外屬國長官咸樹  
頌翹趾駢集會垣恭聆

溫綽

臣

奉使持節敬導揚

聖天子篤祐延長申裕引庥之

德意乃言曰鴻惟乾符坤珍駿祺錫羨泰元神莢延範  
益疇

皇上受

天之龍照臨函夏昧爽丕顯旋樞斡運五十有五載惟  
疆固精神之體行健不息罔一日弗敕於勤用克克

景命脗蠻豐融每歲三舉

大祀虔禮

方澤

躬詣

壇陔

親奉圭瓚歲秩於上下神祇咸徧至誠

孚格百順攸臻適承

顯謨丕烈以守兼創肅奉

冊寶鉅典式昭

大訓

寶錄日循雜誦

四謁盛京緬雲雷之

締造勒碑珉於薩爾濟辨源流於混同江懿夫本

昭事之欽若翼

續緒以紹聞所由奮光廸德於陬澨而僉懷企矚者乎  
若夫風夜

勅幾飭功慎省疇咨渺晷之暇疏奏無一昔之淹

當宁則署書勤政

行在則秉燭候章用舍勸威因材自取董正治官以爲  
民極爰舉

省方之典

六巡江浙恬海翁河西臺中嵩東臨泰岱春豫津淀秋  
獮木蘭以補以助無非事者每歲

給復優租積數倍於億秭遭逢

國慶詩大澤之溥正賦全蠲暨於今而四達亦旣藏富  
滋豐淪肌浹髓矣

皇帝猶軫念於雨暘祁暑益劭茲小民之依胥保惠胥  
教誨俾無一夫不獲其所也疆吏入

覲因事

詠咨

申誠以保赤厚生課實效而屏虛詞恪共厥職牧令銓  
計並許覲

顏重親民之選凡在葺屋之隱曲靡不達於  
八聰雖萬里之外四極之表若依

闕庭而近

天子之光是惟

重熙滂茂鏡榮燭和

化成於悠久以宣

偉略則星囊月嶠列牧安屯里踰二萬金川雪磴闢爲  
坦涂以及掃臨水之氛蕩蘭州之枿靖臺海之波告



大武之九成焉以彰

文治則

皇極敷言是彝是訓文千篇而詩五集耿兩曜而貫六  
經煥備圖書集成今古燦融

冊府廣四庫七閣之儲焉以垂

制度則輯會典圖禮器宴千叟表百官建辟雍增石鼓  
中和協樂慶隆進舞律調一字譜訂全詩感人心而天  
下和平

聖人舉禮樂以爲昭焉皇哉煒哉亘古一會繫在雲南  
爲禹貢梁州南境依景承輝並若日若月之照臨蒙煥

南漢書卷之三十一  
而被彩矧際嘉祥疊至祓戩胥臻時和年豐河澄江謐  
百齡演籌累世睦居提抱曾元耆英

錫爵實至之符斯爲上瑞貢琛納賚徧於廣圻緬甸受  
封南掌底貢巴勒布重譯來享而南交之君長親入

朝以效祝

福釐都哉

聖天子功德巍巍合天之行自今

寶算延和純純常常懍懍其亦如天無極申引于萬億  
年於是會治察案不約同辭閭境之黃髮黔齒及邊陲  
世吏徼外屬國之長皆怵躍軒舞矢口聽音甬飲於陶

唐襄哉之舞余謠中謠之節奏

臣

謹案漢時益州進慕

德懷德之歌而漢益州郡治實爲今晉寧州竟杜佑通  
典載騁樂之文卽爲今緬甸屬國是則滇海邊竟徧野  
謳吟自忘弁陋要皆發於愛戴之忱詞無雕飾臣職在  
採風飡聽愉歌抨各譽抒厥詞協於樂府秩陳臚敘竊  
附於斐萃雖喈卷阿矢音之義於是中慶益寧穀昌富  
民宜良連然之民進而歌五華燦之詞曰

山五華雲五色拜雲亭頌

帝德德之楹春合宙德之塲養日舒鵠纏斐雲翽洄五  
華燦

詔書開章麟麟闈俱供奉

詔書煌哉詡凱以颺湛以雨

詔錫爵昭廉法

詔惠民庾廩殷

詔惇俗民式穀嘉利澤寶象河光長嶺祿益坡騫而聳  
拜厥嘉

恩言普燦五華

建平霑益歸厚爲美芳華之民進而歌玉屏峙之詞曰  
玉屏峙兮雲爲梯眺連雲兮雲上躋闔闔開兮詆蕩鷄  
鷄颺兮穢穢豐融兮

昊貺逢涌兮

聖涯慶雲藜符泰壹薦土平巋開百室

滂仁斯黼義斯黼鋪土黍以稠芩潤甘澤以藟腴

澤如春

景命申

天心格

眷有德

元謀祿勸姚安永寧昭通之民進而歌康衢廣之詞曰

康衢廣啟烏蒙障邛笮迤川東川峽蟠迴

文教治七經東授舊所業遙瞻

秘閣四部儲部分鱗次左右居流傳疆域志樊綽畱其  
書從事天南臨六詔苴畔城迴清溪遶黑齒青蛉仍夙  
號

聖朝聲教遠胥臬蘿布繚纏井鹽利式廓唐臣風土記  
葉榆匡川師宗開化之民進而歌鳳羽河之詞曰

溶溶鳳羽河轍轍金梭島點蒼鬱嵯峨漾水出其表縣  
名符實濡太和百祿肇嘉麻多不見羅平楊自發雖睦  
同居標棹楔又不見祿豐張世賢紹緒引葉娛長年川  
隴湖湘雲氣接瑞彩繽紛瑞人列駢依

壽宇昭昇華協瑞迺得二百家維南有山鳳儀集金沙

通啟南交譯

聖治屆遠來鴻臣藩王祝

齋謁

紫宸

元江之熨人蒲蠻進而歌溫玉泉之詞曰

泉流溫玉襟帶迴湫三幹亭亭井生瑞木瑞繞百尺枝  
綠葉紛蕤蕤華平色端正汎泉沃漑之迨此豐巴部繁  
以桃花人巴部得豐歲桃蹊延遠春寶山亦有蹊麗水  
澄其泥金波瑩壁彩光曜紛陸離金相符罇鐘壁姿諧  
特磬

淳化調元音宮懸雅樂正

鴻圖柔遠徧八埏璆琳輯瑞來和闐

麗江永北徼外諸番進而歌亘彩虹之詞曰

彩虹亘以金梁澄波導以瀾滄臨九睽兮匪巖涇三渡

兮游翔瞻

德躔兮斗極依

仁輝兮若英卉霏霏其秋郁樹盈盈其春榮岫璀璨其

琳碧徑穆穆其蒼葭竭中孚以賓服咸角稽而來王戴

帡幪於

福宇效字舞兮洋洋



木邦猛密孟養諸土司進而歌天馬徠之詞曰

天馬徠關門闢通猛廣延猛別灣甸雲遠接翅排思陀  
車里藍蔚堆錦屏近矚山崔巍景蘭景董崇其隈元珠  
開化光滌回箐鳴竹鷗峯孔雀羊布織文光繡約蕉銳  
淨瓶疇所削石風丹凝青紙拓遭

亨期兮展嘉符依

壽世兮延昌圖

緬甸之部目進而歌瞻星階之詞曰

星階兮式瞻春叢兮

恩覃台垣兮耿正治教兮星南南徼兮依

光慈開兮

湯網赭之經兮銅之垣徹九楹兮寬廣萬爲裾兮蕉爲  
衫披

輦路兮趨趨靖朱波兮江流灑陳廣胥兮驃國樂貢通  
巴勒布兮

皇威遠服願受

封號兮緬人之福

臣謹率諸僚爲合樂之章恭進延春祺之詞曰

延春之祺重洽

純熙壽星建酉角亢爲期惟

天悠久行恒昭健

聖德同之

神謨廣運

蕃釐備致

翼命重申上儀斯舉用慰臣民四必得符攸徵斯受

民拜颺

億齡獻壽